

理藩院則例



理藩院則例

柔遠清吏右司



一朝貢分班。喀爾喀。厄魯特。及駐劄額濟納之
土爾古特。分四班。一班。扎薩克圖汗。暨部內貝
勒一人。輔國公二人。公品級一等台吉一人。

等台吉二人。土謝圖汗部內郡王。輔國公各一
人。一等台吉三人。車臣汗部內郡王。貝子。輔國
公各一人。一等台吉二人。賽因諾顏部內貝子
一人。輔國公二人。一等台吉一人。達拉爾河厄
魯特貝子。賀蘭山厄魯特鎮國公。喀爾喀河厄

魯特公品級一等台吉各一人。二班。土謝圖汗
暨部內貝勒。一等台吉各一人。賽因諾顏部內
親王。輔國公各一人。一等台吉四人。車臣汗部
內貝子。鎮國公。輔國公各一人。一等台吉二人。
扎薩克圖汗部內鎮國公一人。輔國公二人。公
品級一等台吉一人。一等台吉二人。賀蘭山厄
魯特貝勒。鎮國公。土爾古特貝勒各一人。三班。
車臣汗。暨部內貝勒一人。一等台吉四人。賽因
諾顏親王。暨部內貝子一人。輔國公。一等台吉
各二人。土謝圖汗部內郡王。輔國公各二人。一

等台吉四人。扎薩克圖汗部內貝勒。鎮國公。一
等台吉。喀爾喀河厄魯特貝子各一人。四班。土
謝圖汗部內親王。輔國公各一人。一等台吉二
人。車臣汗部內郡王。貝勒各一人。輔國公。一等
台吉各三人。賽因諾顏部內貝勒。貝子。鎮國公。
輔國公各一人。一等台吉三人。扎薩克圖汗部
內輔國公三人。一等台吉一人。○青海分四班。
一班。厄魯特郡王二人。貝子。鎮國公。輔國公。一
等台吉。土爾古特一等台吉各一人。二班。厄魯
特貝勒。輔國公各一人。一等台吉三人。回特輔

國公。土爾古特一等台吉各一人。三班。厄魯特親王一人。輔國公二人。一等台吉三人。土爾古特一等台吉一人。四班。厄魯特郡王。貝子各一人。一等台吉四人。土爾古特一等台吉。喀爾喀一等台吉各一人。○康熙三十年覆準。喀爾喀土謝圖汗。車臣汗。既仍留汗號。應令照舊進貢九白。白駝一。白馬八。其餘均不得進貢九白。○三十九年議準。年例來朝之喀爾喀扎薩克等。若令與內扎薩克等一體分為兩班朝覲。則路途遙遠。殊非體卹之意。應將喀爾喀扎薩克分

為四班。將班次曉諭。均令按年於十二月封印前到京。其未及歲之扎薩克不必來朝。各令台吉一人代覲。○五十二年奉

旨。嗣後和拖輝特公寶貝。貝勒。丹津多爾濟。垂扎木山公。車木楚克納木扎爾。車卜登。伊等進馬。數不得過十。其餘扎薩克進馬。不得過五。再喀爾喀進貢湯羊。王貝勒貝子公。數不得過十。扎薩克一等台吉等。不得過五。此外台吉等。不得過二。○五十三年定。喀爾喀貢湯羊。王等各五隻。貝勒四。貝子三。公。扎薩克等各二。台吉等各一。○五十四年題準。年例

朝覲喀爾喀扎薩克等。旗內如有事故。不能來京。令協理旗務之台吉一人前來。若協理旗務之台吉。亦有公事。及患病等情。即令本旗內大台吉代覲。仍將情由用印文送院察覈。如並無事故。托辭不朝者。事發。將該管扎薩克等。一併題叅治罪。○雍正三年議準。青海王貝勒等。照喀爾喀例。分為四班。輪流來朝。○又議準。哈密貝子不入班。閱數年奏請一次。得

旨。則來朝。○四年定。蒙古朝覲。喀爾喀。及青海。厄魯特等。均分為四班。一年一班。輪流來朝。不直班。

之扎薩克。令該旗協理旗務台吉一人前來。○十年議準。土魯番輔國公朝覲。如哈密之例。○乾隆五年奏準。擢於近

御。暨

乾清門行走之喀爾喀汗王以下。台吉以上。分為兩班。一年一班。來京朝覲。○十年議準。近

御。暨

乾清門行走之喀爾喀汗親王等。內有兼扎薩克旗務者。不必入於兩班。著按其本班來朝。到京時。仍令其在

御前

乾清門行走

一禮儀。坐次。康熙二十九年覆準。喀爾喀土謝圖汗之子。坐次在貝勒下。車臣汗之弟。在公下。餘。台吉。在內大臣下。○三十二年覆準。凡遇年節。冬至與各慶賀禮。鄂羅斯來使。俟百官行禮畢。別為一班行禮。

賜燕坐次。正使。在丹陛上儀駕後。有頂帶人。皆在鑲藍旗之末。如蒙

便殿

賜茶

召見賜燕。正使。坐於內大臣之後。一等待衛之前。其餘有頂帶人。皆坐一等待衛之後。行禮時。令通使一人。立於贊禮官傍傳示。○又奏準。歲除筵燕之喀爾喀汗親王。郡王。貝勒。公。扎薩克一等台吉等。各按其品級。均坐於右翼內扎薩克親王。郡王。貝勒。公。扎薩克一等台吉之次。○三十九年覆準。年例來朝之喀爾喀汗王。貝勒。貝子。公等行禮。及

恩賜。均照內扎薩克之例。

新入四部落坐次序於喀爾喀之下

一貢物。青海。土爾古特。貢藏香。氈毯。馬。喀爾喀
厄魯特。貢駝。馬。湯羊。哈密。土魯番。貢瓜乾。細手
帕。小刀。黃鷹。孔雀。段布。諸物。

一貢道。青海。由西寧。喀爾喀。厄魯特。土爾古特。
由張家口。獨石口。喜峯口。哈密。土魯番。由肅州
之嘉峪關。西藏。由四川之打箭爐。

一廩給。康熙三十年。奏準。內附之喀爾喀等。均
晉封汗。及王。貝勒。貝子。公。台吉。爵號。來朝者。照
內扎薩克王。貝勒。貝子。公。台吉。之例。給與。○六
十一年。議準。青海親王。來京。日給銀三兩二錢。

郡王。日給銀三兩。貝勒。日給銀一兩九錢。貝子。
日給銀一兩八錢。公。日給銀一兩七錢。扎薩克
一等台吉。日給銀一兩。隨從人等。並無定數。閒
散台吉。日給銀六錢。屬下台吉。日給銀四錢。齊
桑。齊桑格隆。各日給銀二錢。護衛。格蘇爾。各日
給銀一錢五分。僕從。各日給銀五分。覈給六十
日。拴馬若干。任其酌拴。其餘馬駝。均盡數交館
餵養。回時路費。親王。給銀十有二兩八錢。郡王。
八兩。貝勒。五兩。貝子。三兩七錢二分。公。扎薩克
台吉。各三兩七分。台吉。三兩。齊桑。二兩五錢。護

衛。二兩。僕從每人一分。均覈給六十日。○又議準。青海來京請

安進貢之正使。日給銀五錢。副使。日給銀三錢。僕從無定數。各日給銀五分。覈給六十日。正使。坐馬三匹。副使。坐馬二匹。騎來馬駝。均盡數交館餵養。回時路費。正使。給銀三兩。副使。二兩。正。副使不得過十人。○又議準。平時來貢之喀爾喀厄魯特王。貝勒。貝子。公等。均予十日廩給。台吉等以下至來使。均予七日廩給。○又議準。喀爾喀土謝圖汗。照親王。車臣汗。照郡王之例。給與廩

給。齊桑護衛官員。各一給銀一錢。僕從。各日給銀五分。均覈給四十日。騎到馬駝。盡數交館餵養。回時路費。亦照親王。郡王之例。給與。若遣使來京。正使。日給銀五錢。坐馬二匹。副使。日給銀三錢。坐馬一匹。其僕從廩給。及交館餵養馬駝。均與前同。回時路費。正使。給銀三兩。副使。一兩五錢。正。副使均不得過十人。○又議準。哈密扎薩克達爾汗。伯克。都統。副都統。官員。兵丁。僕從人等來京。均照例。給與廩給四十日。係乘傳來京。應酌量給與牧芻之費。○又議準。厄魯特王

額駙車凌旺布。既未編設旗分佐領。其本身及
來使廩給。照青海例。厄魯特公多爾濟塞卜騰
本身及來使廩給。照厄魯特貝勒額駙之例給
與。○又議準。請

安或進貢之胡圖克圖。胡畢爾汗。扎薩克大喇嘛。各
日給銀八錢五分。坐馬三匹。養馬十有四匹。副
扎薩克大喇嘛。日給銀七錢三分。坐馬三匹。養
馬十有二匹。扎薩克喇嘛。日給銀六錢二分。坐
馬二匹。養馬十匹。大喇嘛。副喇嘛。各日給銀四
錢七分。坐馬一匹。養馬七匹。噶卜楚。拉穆。扎穆

巴。各日給銀三錢七分。坐馬一匹。養馬六匹。格
隆。日給銀三錢。坐馬一匹。養馬五匹。格蘇爾。班
第。各日給銀五分。坐馬一匹。此等番僧。均各給
五日廩給。如居住誦經者。無定限。按日給銀。馬
匹送館餽養。○雍正二年議準。下嫁外藩之公
主。郡主等。如欲來京。並令請

旨。不得擅自來京。其奉

旨來京者。均定以限期。照例供給。厄魯特額駙。準住
六十日。公主。郡主等。準住八十日。如限滿後仍
欲留京者。亦須奏明。再支供給。○三年議準。厄

魯特。喀爾喀等坐馬。並無定額。應照舊例。不必計數。一體折銀給與。其廩給食物。亦視內扎薩克王公等之例折給。均於院庫動用。年終彙疏奏銷。○四年定。青海廩給郡王。日給銀四兩三錢五分。貝勒。日給銀二兩六錢。貝子。日給銀二兩三錢。公。日給銀一兩九錢一分。扎薩克台吉。日給銀一兩三錢一分。其坐馬。及回時路費。均照喀爾喀例。仍不計數。○五年奏準。土爾古特貝子丹忠。並未編設旗分佐領。應照厄魯特廩給之例。日給銀二兩三錢五分。屬下台吉。日給

銀四錢。齊桑。日給銀二錢。護衛。日給銀一錢五分。僕從。日給銀五分。均覈六十日。坐馬無定額。每坐馬一匹。照例給與草豆柴薪折價銀六分。七釐三毫四絲七忽。其餘馬駝。盡數交館餵養。回時路費。貝子。給銀三兩七錢。隨從二十五人。日共給銀一錢五分。均覈給六十日。如遣使進貢。日給正副使廩給坐馬。養馬限期。回時路費。均與青海正副使同。○六年議準。鄂羅斯夷僧。廩給日給銀一錢五分。學生。日給銀一錢。僕從。日給銀五分。○十年議準。喀爾喀世子多爾濟

塞布騰廩給。及坐馬養馬路費等項。均視親王之例稍減。郡王之例稍增。酌量日給銀五兩八錢五分。覈給十日。坐馬十有二匹。養馬五十五匹。回時路費。給銀十兩三錢四分。隨從三十七人。共給銀三兩七錢五分。○又定。青海長子索諾穆丹津。坐食廩給。及坐馬養馬路費。均照青海貝勒之例。○乾隆二年奏準。土魯番輔國公額敏和卓來朝。照喀爾喀輔國公之例。給與廩給。隨從正千戶。照佐領例。副千戶。正百戶。均照駝騎校例。各日給銀一錢。僕從日給銀五分。酌

給驛騎牧芻。及四十日限期。均與哈密同。貢使亦如之。○九年奏準。從前郡王額駙阿保。貝子多爾濟塞布騰。所來之人。並無定數。向照舊厄魯特例。給與六十日廩給。駝馬亦不限數。照所稟之數。入館餵養。後將郡王塞布騰旺布屬下人等編設旗分佐領。改照喀爾喀例。僕從限定數目。給與十日廩給。來使給與七日廩給。伊等皆係厄魯特扎薩克。應與塞布騰旺布。均照喀爾喀例。給與廩給。○十八年奏準。嗣後年底來京當差之八旗游牧察哈爾旗下。厄魯特散秩

大臣副都統。日各給銀六錢。坐馬三匹。一等待衛。子。二品官。各給銀四錢。坐馬二匹。二等待衛。三。四品官。各給銀三錢。坐馬二匹。三等待衛。以下。六品官以上。各給銀二錢五分。坐馬二匹。七八品官。司鞍。司轡。執事人等。各給銀一錢五分。坐馬一匹。入館養馬。各按品級交館。此內如有近

御之散秩大臣侍衛等。均照蒙古賓客等之例。長支廩給。

乾清門行走之侍衛官員。均照侍衛白啟之例。給三十日。司鞍。司轡人等。均有執事。給二十日。閒散侍衛官員。請

安來京者。按其品級。給與十日廩給。

一教養。乾隆十二年議準。喀爾喀郡王桑擇多爾濟。厄魯特貝勒羅布藏多爾濟。郭爾羅斯公額爾登額。均係公主。郡主之子。因其少孤。來京教養。今居住多年。其本旗地方奴僕。甚不識蒙古生計。除額爾登額見在

內廷讀書不議外。郡王桑擇多爾濟。與貝勒羅布藏多爾濟。均係管旗務之扎薩克。嗣後春季。應

令回居本旗。講究生理。學習騎射。冬季進京居住。照舊肄業。俟十八歲時。即令回旗辦事。

一賞賚。順治十二年題準。每年進貢九白之扎薩克等。賞給重三十兩銀茶桶各一。茶盆各一。段各三十。布各七十。賞來使。段各三。布各二十四。僕從布各六。○康熙三十年奏準。喀爾喀貝勒初次進貢。應賞給備漆鞍馬一匹。銀茶盆一具。狐皮蟒袍一襲。薰貂帽一。鍍金鞞帶佩小刀手帕荷包一副。靴襪各一雙。段十有五。布百有五十。○又奏準。喀爾喀等。同內扎薩克受封一

切賞賜。亦應比照內扎薩克。凡請

安進貢之喀爾喀親王以下。公以上。本身前來者。不賞外。如遣使請

安親王郡王來使。賞段二。布十有二。僕從。布四。貝勒貝子公等來使。段一。布八。僕從。布三。進貢來之台吉。都統副都統。賞段二。布十有二。叅領佐領。達爾汗。段二。布七。王等之長史護衛典儀。駙駙校。閒散人等。段一。布六。再喀爾喀土謝圖汗車臣汗等遣使前來。仍照前例。伊所屬齊桑護衛等。本身前來進貢者。準令進貢。此內土謝圖汗

之古什齊桑。照都統例賞給。其餘齊桑等。均照
叅領例賞給。護衛等。照王之護衛等例賞給。
三十三年定。喀爾喀王。貝勒。貝子。公。台吉來京
請

安。適逢元旦者。照內扎薩克之例給賞。○三十九年
覆準。年例來朝之喀爾喀汗。王。貝勒。貝子。公。台
吉等。

賜燕。賞賚。及五旗王府筵燕。一如內扎薩克之例。○
五十四年覆準。西藏拉藏汗。青海厄魯特等外
藩。請

安進貢。照伊來使品級。賞給諸物。交與內務府。武備
院製造。俟起程時頒給。○又覆準。賞年例來朝
之喀爾喀親王。視內扎薩克郡王例。郡王。貝勒。
視貝子例。貝子。公。台吉等。各視其品級為差。所
賞段。布。鞍轡。銀茶桶。銀茶盆。茶葉諸物。各照價
值。由戶部折銀賞給。○五十五年議準。賞喀爾
喀親王以下。台吉以上器物。酌量折給銀數。與
賞內扎薩克同。○雍正四年定。哈密貝子來使
回時。都統。副都統。各賞段二。布十有二。叅領。佐
領。各段二。布七。駢騎校。段一。布六。○乾隆三年

奏準。隨從土魯番公來京之正千戶。照哈密佐領例。副千戶。正百戶。照駙騎校例。賞給

一俸幣。康熙三十一年覆準。喀爾喀王。貝勒。貝子。公。台吉。應給與俸祿。照內扎薩克之例。頒給。○三十六年定。賜達爾汗封號。奉

旨。令食俸者。給銀二十兩。幣四。○雍正二年定。八品官。給俸二十兩。○三年議準。青海王。貝勒。貝子。公。台吉等俸祿。若來京支領。不但遲延。而且勞苦。應令駐劄西寧大臣。察明一年應頒俸銀數目。移咨該撫。即於甘肅藩庫給與。其俸幣。由院

於戶部支領。每年差筆帖式一人。齎往頒給。○四年

諭。八旗察哈爾人等。駐牧近邊。與內地相同。効力有年。

向例有職任官。給與半俸。無職任者。給俸四分之一。念其皆國効力舊人。特沛恩澤。給有職任官全俸。無職任者半俸。欽此。○十年議準。喀爾喀世子多爾濟塞布騰俸銀。照宗室世子五分之一。每年給銀千五百兩。俸幣。照親王減五疋。準給二十。○又定。青海長子索諾穆丹津俸幣。照貝勒例。每年給銀八百兩。段十有三。○又議準。西藏辦事之

噶卜隆俸銀。照扎薩克一等台吉例。每年給銀百兩。○十一年覆準。喀爾喀土謝圖汗車臣汗扎薩克圖汗。俸幣。照親王例加增。每年各給銀二千五百兩。幣四十。○乾隆十八年奉

旨。藏內噶卜倫尼瑪加穆鑽。已照扎薩克喇嘛等第賞給。因喇嘛無俸可支。不給俸銀。但尼馬加穆鑽與公班第達。一同辦理噶卜倫事務。京城喇嘛等既有支給口糧之例。噶卜倫尼瑪加穆鑽。著每年賞給口糧銀百兩。

一禁約。順治五年定。蒙古王等年節來朝。在喀

喇沁塔以內。不許圍獵。○康熙三十年定。喀爾喀每旗各遣一人。來京聽事之處。照內扎薩克例。○雍正三年奏準。喀爾喀等旗。每年各遣聽事人來京。今辦理青海蒙古事務之副都統。見住西寧。將青海各旗應遣聽事之人。即令其遣往駐劄西寧大臣處聽事。

一喀爾喀澤卜尊丹巴胡圖克圖朝貢。康熙三十年覆準。澤卜尊丹巴胡圖克圖進貢九白。照定例賞給三十兩銀茶桶一。茶盆一。段三十。布七十。賞來使段三。布二十四。僕從。布六。○又定。

澤卜尊丹巴胡圖克圖來朝進貢。照科爾沁土謝圖親王例。到京日。內親王。郡王。貝勒。貝子。公。內大臣以下。一品官以上。咸蟒袍補服。設茶於城外郊迎。回時。亦照此例郊餞。○又定。澤卜尊丹巴胡圖克圖到時。應照科爾沁土謝圖親王例。給與食物。其隨來之台吉等。悉照內扎薩克台吉等例。給與食物。○又定。澤卜尊丹巴胡圖克圖本身來朝進貢。賞給雕鞍一。備漆鞍馬一。重五十兩銀茶桶一。茶盆一。黃蟒段貂皮袍褂一襲。黃裏貂皮端罩一件。黃蟒袍一件。靴。襪各

一雙。段五十。布四百。隨來之台吉。喇嘛。格蘇爾班第等。各賞給羊皮蟒段綠領袖段袍一件。段二。布二十。○又奏準。澤卜尊丹巴胡圖克圖遣使前來。仍照前例。○三十七年奏準。澤卜尊丹巴胡圖克圖來朝進貢。賞給雕鞍一。五十兩銀茶盆一。黃蟒段袍褂一襲。靴。襪各一雙。段三十。布三百。隨來之大喇嘛。族中台吉。喇嘛。胡圖克圖之養子台吉。各賞給段二。齊桑喇嘛。齊桑護衛。各段一。○五十九年奏準。澤卜尊丹巴胡圖克圖。仍照科爾沁土謝圖親王例。給與食物。內

惟雞鵝折銀。回時路費。亦給與食物。其隨來人等。各按品級。照例給與廩給。及回時路費。○六
十一年議準。澤卜尊丹巴胡圖克圖遣使進貢。不得過十有五人。正使日給銀五錢。坐馬二匹。副使日給銀三錢。坐馬一匹。僕從各日給銀五分。均數給四十日。騎來馬駝。盡數交館餵養。回時路費。正使給銀三兩。副使一兩五錢。

一額給京師喇嘛錢糧。掌印扎薩克大喇嘛。月給折色銀四兩五錢三分五釐。四毫三絲。乳牛三頭。坐馬四匹。副扎薩克大喇嘛。扎薩克喇嘛。

大喇嘛。副喇嘛。各月給折色銀四兩二錢一分二釐二毫四絲。乳牛二頭。坐馬二匹。閒散喇嘛。各月給錢糧銀二兩。坐馬一匹。以上各月給米七斗五升。其餘格隆格蘇爾班第。月給折色銀自八錢六分五釐二毫七絲二忽。及八錢九分九釐一毫六絲至一二兩不等。月給米自三斗一升一合二勺五抄。至七斗五升不等。每月應給折色銀米。由戶部覈給。小建扣除。每牛一頭。月給豆一升。穀草羊草各一束。馬一匹。豆二升。穀草羊草各一束。亦由戶部給發。

一西番各寺。順治八年。河州弘化顯慶寺。各遣番僧。貢舍利。銅塔。佛像。番犬。及馬。駝。氍毹。豹皮。酥油。諸物。○十年。西寧瞿曇寺國師。貢舍利。藏菩提數珠。琥珀氍毹。捨狸獾皮。狼皮。狐皮。酥油。馬。淨寧菩提寺國師。淨覺寺國師。慈利寺國師。禪師。延壽寺國師。普法寺國師。吉祥寺禪師。伊爾結寺番僧。各進貢方物。與弘化顯慶寺相等。自瞿曇至伊爾結。止八寺。慈利寺國師。禪師。各自為貢。故稱九寺。賞給各寺國師。禪師。采段。表裏各一。紵絲衣各一襲。靴襪各一襲。班第僧徒。紅布衣各一襲。靴襪各一襲。國

師。加采段各二。漆鞍各一。禪師。暨喇嘛頭目。加采段各一。漆鞍各一。貢馬者。每馬給表段一。裏一。絹一。貢駝者。每駝給采段表裏各三。絹四。○又西寧西納演教寺國師。貢舍利。琥珀數珠。珊瑚數珠。青金石數珠。菩提數珠。花氍毹。西域氍毹。腰刀。捨狸獾皮。艾葉豹皮。金錢豹皮。狼皮。狐皮。馬。駝。牛。酥油。諸物。賞國師。采段。表裏各一。紵絲衣一襲。布一。靴襪各一襲。加賞銀茶桶一。茶盆一。漆鞍一。紅段袈裟一件。段四。茶千二百斤。其餘隨貢之番僧。采段。表裏各一。布各一。靴襪

各一雙。衣各一件。其馬駝之賞。與瞿曇等九寺同。○又河州端嚴弘化等寺番僧進貢喇嘛。每名賞給紵絲衣一襲。布一。采段表裏各一。靴。鞵各一雙。茶六十斤。貢馬。每匹給紵絲一。絹一。或折銀。貢駝之賞。如瞿曇等寺。靴。襪皆折銀。內惟端嚴寺加段一。漆鞍一。其初貢之佛像。銅塔。番犬。後皆免進。○又莊浪衛紅山堡報恩寺都綱進貢。貢物與河州諸寺同。賞都綱金黃紬衣一襲。袈裟一襲。班第等紅布夾衣各一襲。所貢馬共給表裏段各四。○十七年。岷州衛圓覺等二

十六寺。進貢馬。青木香等物。舊有畫佛。舍利。珊瑚。棗酥。油。杵力麻。延壽果。鵬翎諸物。後皆免進。

○康熙二年題準。圓覺等二十六寺番僧。定期三年一貢。分為四班。圓覺。大宗教講堂。刹藏。弘教。洪福等寺。為一班。法藏。朝定。藏經。裕。龜。三竹。石崖等寺。為一班。魯班。羊圈。永安。廣善。昭慈。洪濟。廣德等寺。為一班。崇隆。寶淨。寫兒。朶讚林。永寧等寺。為一班。實二十四寺。其荔川寺。工布寺。不入班。越三年。則一班入貢。每寺貢馬一。青木香二桶。每馬給表段一。裏一。絹一。賞班首番僧頭目表段三。裏一。

紅段夾衣一襲。袈裟一襲。裙一條。靴。襪各一雙。漆鞍一。各寺頭目。減表段一。餘皆同。賞小番僧表段各一。裏各一。紅布夾衣各一襲。靴。襪各一雙。僕從布各四。在部

賜燕一次。著為定例。○四年題準。金川寺僧。請三年一次進貢。每貢不得過百人。止令八人赴京。餘皆留邊。○三十九年。莊浪紅花堡報恩寺都綱等進貢。除貢物察收。照例賞給外。準其照岷州衛二十六寺番僧例。三年一貢。并令照扎薩克喇嘛等例。自備盤費。不給勘合糧單。○四十二

年覆準。喇嘛等事非緊急。不便給與驛遞。報恩寺進貢之期。改為五年一次。貢物隨其所辦。或力不能來。即交地方官轉進。賞賜視岷州諸寺。○四十五年。歸化寺國師等三族頭目喇嘛進貢。準其所請。照岷州圓覺寺之例。三年一貢。○五十二年。報恩寺都綱。遲至十年進貢。緣在赦前。免其治罪。本年貢物。照例察收。所闕貢典。仍令下次補進。○五十七年。圓覺等寺循例進貢外。加馬二匹。不給賞。○乾隆八年。禮部奏準。陝西甘肅洮岷等處番僧。請

安進貢等事。向由本部具題。但蒙古內外番僧。既屬
理藩院所轄。則陝甘洮岷三處番僧。嗣後

朝貢請

安等事。歸并理藩院承辦。自是本院將陝甘洮岷各
寺一應番僧

朝貢。貢物。貢期。燕賚。悉照禮部定例辦理。



